

Ang Dios-tawong Pagkinabuhi

Basahong Kasulatan: Lev. 1:3, 9; 6:8-13; Juan 21:15-17;
1 Juan 3:14; 5:1; 2:6; 4:17; Gal. 6:2-3; Rom. 8:2

- I. Ang gitinguha sa kasingkasing sa Dios mao nga ang realidad nga naa ni Jesus (Efe. 4:21), ang aktwal nga kahintang sa Dios-tawong pagkinabuhi ni Jesus ingon sa nasulat sa upat ka Ebanghelyo, mahulad unta diha sa daghang bahin sa Lawas ni Cristo pinaagi sa Espiritu sa realidad aron mahimong realidad sa Lawas ni Cristo, ang kinahabogang punto sa pamatigayon sa Dios (vv. 20-24):**
- A. Gipakita sa upat ka Ebanghelyo ang sumbanan sa kinabuhing gitinguha sa Dios, ang hulmahan sa kinabuhing makatagbaw sa Dios ug makatuman sa Iyang tuyo; nagkinabuhi si Jesus nga nagbuhat sa tanan diha sa Dios, uban sa Dios, ug alang sa Dios; naa sa Iyang pagkinabuhi ang Dios, ug nausa Siya sa Dios; kini ang gipasabot sa *naa ni Jesus ang realidad*; ang makat-on ni Cristo maingon nga naa ni Jesus ang realidad kana mang mahulma sa sumbanan ni Cristo, masama sa dagway ni Cristo—Rom. 8:28-29; Efe. 4:20-21.
 - B. Gihingpit ta sa Ginoo aron mahimong mga Dios-tawo, nga nagkinabuhi sa diosnong kinabuhi sa pagdumili nato sa atong natural nga kinabuhi sumala sa sumbanan ni Cristo nga unang Dios-tawo—Mat. 11:29; 17:5; 1 Ped. 2:21:
 - 1. Sa pagkinabuhi Niya sa yuta naghimo Siyag sumbanan, ingon sa gipadayag sa upat ka Ebanghelyo; unya gilansang Siya sa krus ug nabanhaw aron mahimong Espiritu nga taghatag-og-kinabuhi aron makasulod Siya nato ug mahimong atong kinabuhi; nakakat-on ta Niya sumala sa Iyang panig-ingnan, dili pinaagi sa atong natural nga kinabuhi kondili pinaagi Niya nga atong kinabuhi diha sa pagkabanhaw—1 Cor. 15:45; Col. 3:4.
 - 2. Ang Cristohanong kinabuhi nato kinabuhi nga naa ni Cristo ug kinabuhi sab nga naa nato si Cristo; naa ta ni Cristo nga hulmahan, ug naa Siya nato ingon nga atong kinabuhi; sa ingon niini makat-on ta ni Cristo maingon nga naa ni Jesus ang realidad; kining realidad mao ang realidad sa Lawas ni Cristo—1 Cor. 1:30; 2 Cor. 5:17; 12:2a; Col. 1:27; Gal. 2:20; Rom. 8:10.
 - C. Sa mahigugma ta sa Ginoo, mokontak Niya, ug moampo Niya, awtomatikong ikinabuhi nato Siya sumala sa hulmahan, porma, sumbanan, nga gihulagway sa Mga Ebanghelyo; sa ingon niini mahulma, masama, ta sa dagway ning hulmahan—kini ang gipasabot sa makat-on ni Cristo—Mat. 11:29; Rom. 8:29.
 - D. Sa magkinabuhi ta sa nasagol nga espiritu, makat-on ta ni Cristo segun sa realidad nga naa ni Jesus pinaagi sa Espiritu sa realidad; makat-on ta Niya nga atong sumbanan aron mahimong kasaysayan nato ang biyograpiya Niya; ang pagkinabuhi sa Lawas ni Cristo nga bag-ong tawo sama gyod unta sa pagkinabuhi ni Jesus nga gipadayag sa Mga Ebanghelyo—Gal. 6:17-18; Rom. 1:1, 9; Efe. 4:20-24; Fil. 2:5; Mat. 11:29; 1 Ped. 2:21.
 - E. Ang tuyo sa Dios sa pagpadala Niya ni Ginoong Jesus aron mahimong tawo aron man magkinabuhi Siya sa Dios-tawong kinabuhi pinaagi sa diosnong kinabuhi; kon mokaon ta Niya, mabuhi ta tungod Niya ug mahimong malukopong dakong tawo nga sama gyod Niya—tawong nagkinabuhi sa Dios-tawong kinabuhi pinaagi sa diosnong kinabuhi—Lam. 3:22-24, 55-56; Bug. 2:4, 7; Juan 6:57, 63; Jer. 15:16; Efe. 6:17-18; Sal. 119:15.

II. Ang bugtong kinabuhi nga makapahimuot sa Dios mao ra ang kinabuhi nga pagsubli sa kinabuhing gikinabuhi ni Cristo dinhi sa yuta; kinabuhi kini nga nagsinati ni Cristo sa Iyang mga kasinatian isip halad nga sinunog—Lev. 1:9; Juan 8:29; 2 Cor. 5:9:

- A. Naghulagway ni Cristo ang halad nga sinunog sa pagkinabuhi Niya sa kinabuhing bug-os gyong alang sa Dios ug sa pagtagbaw sa Dios; naghulagway sab ni Cristo ang halad nga sinunog sa pagka-kinabuhi Niya nga makapakinabuhi sa katawhan sa Dios nianang pagkinabuhia—Lev. 1:3; Num. 28:2-3; Juan 5:30; 6:38; 8:29; Heb. 10:5-10.
- B. Ang pulong nga gihubad og “halad nga sinunog” nagpasabot og butang nga nisulbong; nagpasabot ni Cristo kining pagsulbong (Lev. 1:3; 10, 14); ang bugtong butang nga makasulbong ngadto sa Dios gikan sa yuta mao ang kinabuhing gikinabuhi ni Cristo, kay Siya man ang bugtong-talagsaong tawo nga makakinabuhi sa kinabuhing bug-os nga alang sa Dios (Juan 6:38).
- C. “Kahumot nga makatagbaw ni Jehova” ang halad nga sinunog (Lev. 1:9); ang Hebreohanong mga pulong nga gihubad og “kahumot nga makatagbaw” sa linetra nagpasabot og “alimyon sa pahulay o katagbawan”; ang kahumot nga makatagbaw alimyon nga nagdalag katagbawan, kalinaw, ug pahulay; pagpahimulos sa Dios kanang kahumot nga makatagbaw.
- D. Sa pagtapion nato sa atong mga kamot ni Cristo nga halad nga sinunog nato pinaagi sa hustong pag-ampo, nadugtong ta Niya, ug nausa Siya ug kita; sa magkinabuhi si Cristo sa sulod nato, sublion Niya sa sulod nato ang kinabuhing gikinabuhi Niya dinhi sa yuta, ang kinabuhi sa halad nga sinunog—v. 4; 1 Cor. 6:17; Gal. 2:20.
- E. Nianang pagkausaha, gipangako Niya ang tanan natong kaluyahon, mga apan, ug mga sayop—2 Cor. 5:21; Gal. 2:20.
- F. Magpasunog gyod ta sa Ginoo aron mahimo tang mapadayonong halad nga sinunog nga mosunog sa uban ug mahimong abo aron mahimong Bag-ong Jerusalem nga magpadayag sa Dios—Sal. 20:3; Lev. 1:16; 6:8-13; 1 Cor. 3:12; Bug. 3:12; 21:2; 10-11, 18-21:
 - 1. Naghulagway ang abo ni Cristo nga nahimong wala; kay nausa man ta ni Cristo nga naabo, naabo sab ta, sa ato pa, nahimong wala, nasiro—Mar. 9:12; Isa. 53:3; 1 Cor. 1:28; 2 Cor. 12:11.
 - 2. Labi tang mausa ni Cristo sa Iyang kamatayon, labi sab tang makaamgo nga nahimo na tang bungdo sa abo; sa mahimo na tang abo, dili na ta natural nga tawo; tawo na hinuon ta nga gilansang sa krus, natapos, ug naugdaw—Gal. 2:20.
- G. Ang pagbutang sa abo sa silangang bahin sa halaran, sa bahin nga subanganan sa Adlaw, pasumbingay man sa pagkabanhaw—Lev. 1:16; Juan 11:25; Fil. 3:10-11; 2 Cor. 1:9:
 - 1. Kalabot ni Cristo nga halad nga sinunog, dili kataposan ang abo—sinugdanan kini; nagpasabot ang abo nga gipatay si Cristo, apan nagtimaan sa pagkabanhaw ang silangan—Mar. 9:31.
 - 2. Labi tang mahimong abo diha ni Cristo, labi sab tang mabutang sa silangan, ug didto sa silangan makaseguro ta nga mosubang ang Adlaw ug masinati nato ang pagsubang sa Adlaw sa pagkabanhaw—Fil. 3:10-11.
- H. Sa kapulihay, mahimong Bag-ong Jerusalem ang abo—Bug. 3:12; 21:2, 10-11:
 - 1. Motapos nato ang kamatayon ni Cristo, maghimo kini natong abo, ug diha sa pagkabanhaw mahimong bililhong materyales alang sa pagtukod sa Dios ang abo—1 Cor. 3:9, 12.

2. Sa maabo na ta, madala ta ngadto sa pagkatransporma sa Tulo-usang Dios aron mahimong bilihong materyales nga igtukod sa Bag-ong Jerusalem—Rom. 12:1-2; 2 Cor. 3:18; Bug. 21:18-21.

III. Sa pagtuman sa pagpangalagad sa Dios sa Bag-ong Tugon, si Ginoong Jesus nga realidad sa halad nga sinunog, wala maghimog bisan unsa sa Iyang Kaugalingon (Juan 5:19), wala Siya magbuhat sa kaugalingon Niyang buhat (4:34; 17:4), wala Siya mosulti sa kaugalingon Niyang pulong (14:10, 24), gibuhat Niya ang tanan dili sa kaugalingon Niyang kabubut-on (5:30), ug wala Siya magtinguha sa kaugalingon Niyang himaya (7:18); wala gyod Siya sukad mahigawad kay sa Dios ra man Siya natagbaw (Isa. 42:4; 50:4-5; 53:2; itandi sa Juan 4:13-14; 6:15; Mar. 9:7-8):

- A. Ang kinabuhi sa Ginoong maoy Iyang buhat, lihok, ug pagpangalagad; ang Iyang buhat maoy Iyang pagkinabuhi, ug ang Iyang lihok maoy Iyang pagkamao; diha Niya walay kalainan tali sa Iyang kinabuhi, buhat, lihok, ug pagpangalagad; gikinabuhi ni Ginoong Jesus ang Iyang pagpangalagad—itandi sa Luc. 22:26-27; Juan 10:10; 1 Cor. 15:45; 1 Juan 5:16; 2 Cor. 3:6; Fil. 1:25.
- B. Tawong mainampoon si Ginoong Jesus, nausa sa Dios, walay hunong nga nagkinabuhi diha sa presensya sa Dios, nagsalig sa Dios ug dili sa Iyang Kaugalingon diha sa tanang matang nga pag-antos ug paglutos, ug diha Niya walay bisan unsa (walay luna, walay paglaom, walay higayon, ug walay purohan sa bisan unsa) si Satanas nga magbubuot sa kalibotan—Juan 10:30; 8:29; 14:30; 16:32-33; 1 Ped. 2:23:
 1. Tawo Siya sa unod nga nag-ampo sa misteryosong Dios sa diosnon ug misticong ginsakpan; sagad nga moadto Siya sa bukid o mopahilit ba sa tago nga dapit aron mag-ampo—Mat. 14:23; Mar. 1:35; Luc. 5:16; 6:12; 9:28.
 2. Wala gyod Siya sukad mag-inusara, kay nag-uban man Niya ang Amahan; matag gutlo nakita Niya ang nawong sa Iyang Amahan—Juan 5:19; 16:32; Sal. 16:7-8.
- C. Sa dihang gustong luwason ni Cristo nga Dios-Manluluwas ang babayeng walay moralidad nga taga-Samaria, nipanaw gyod Siya gikan sa Judea paingon sa Galilea agi sa Samaria, nitipas Siya gikan sa dakong dalan sa Samaria paingon sa syudad sa Sicar, ug naghulat Siya sa may atabay ni Jacob, duol sa Sicar, nga moabot ang babaye aron maatiman Niya siya sa pagpangayo kaniyang mainom aron matil-ogan Niya siya sa tubig sa kinabuhi, nga mao ang nag-agay nga Tulo-usang Dios mismo—Juan 4:3-14.
- D. Sa dihang walay usa sa mga Fariseong nangakusar ang makahukom sa babayeng mananapaw, giingnan siya ni Cristo nga Dios-Manluluwas, sa Iyang pagka-tawo, nga, “Dili sab Ko mohukom nimo,” sa pagpangga kaniya aron Siya nga dakong Ako Mao makatil-og niya sa pagkahigawas sa sala ug makahimo niyang “dili na magpakasala”—8:3-11, 24, 34-36.

IV. Kon magpabilin ta sa gugma nga mao ang Dios mismo, “nahingpit na ang gugma nganhi nato, aron duna tay kaisog sa adlaw sa paghukom kay unsa ngani Siya, maingon man sab ta ning kalibotana” (1 Juan 4:17)—si Cristo nga realidad sa halad nga sinunog nagkinabuhi ning kalibotana sa kinabuhi sa Dios nga gugma, ug kinabuhi nato Siya karon aron makakinabuhi ta sa mao rang kinabuhi sa gugma ning kalibotana ug masama Niya (3:14; 5:1; 2:6):

- A. Ang balaod sa Espiritu sa kinabuhi nga naa sa atong espiritu mao ang balaod ni Cristo nga balaod sa gugma (Rom. 8:2; Gal. 6:2-3); ipatinuod gyod sa balaod sa

Espiritu sa kinabuhi ang balaod sa gugma aron makapas-anay ta sa mga luwan sa usag usa; apan kon natugob ta sa garbo, dili ta makapas-an sa mga luwan sa uban kay gilimbongan man nato ang atong kaugalingon sa paghunahuna nga si kinsa na ta nga balewala ra man ta (v. 3).

- B. Mapalihok na ngani ang balaod sa gugma sa sulod nato, awtomatiko ug dihayong mahimo tang mga magbalantay nga naay mahigugmaon ug mapasayloong kasingkasing sa atong Dios Amahan ug maatimanon ug mapangitaong espiritu sa atong Manluluwas nga Cristo—Juan 21:15-17; Luc. 15:3-7.
- C. Mapalihok na ngani ang balaod sa gugma sa sulod nato, paghago sa gugma ang paghago nato diha sa Ginoo (1 Cor. 15:58; 1 Tes. 1:3) nga niini “tabangan nato ang mga maluyahon” (Buh. 20:35) ug “tabangi ang mga maluyahon” (1 Tes. 5:14); nagpasabot ang *mga maluyahon* sa maluyahon sa ila bang espiritu o kalag o lawas, o maluyahon sa pagtuo (Rom. 14:1; 15:1).
 - 1. Sa nabanhaw na ang Ginoo giatiman Niya si Pedro ug gitahasan nga pakanon ang Iyang mga nating karnero ug atimanon ang Iyang mga karnero; pagtagik kini sa pagpangalagad sa mga apostol sa langitnong pagpangalagad ni Cristo nga mangatiman sa panon sa Dios, sa iglesia, nga moresulta sa pagkatukod sa Lawas ni Cristo nga mahingpit sa Bag-ong Jerusalem aron ma-human ang walay kataposang pamatigayon sa Dios—Juan 21:15-17.pulong sa Biblia—Neh. 8:8, 13.